

Udruženje za borbu protiv korupcije „Transparency International u Bosni i Hercegovini
objavljuje:

JAVNI POZIV

za prijavu posmatrača za monitoring izborne kampanje

Transparency International u Bosni i Hercegovini (TI BiH), zajedno sa partnerskim organizacijama, Centri civilnih inicijativa (CCI) i Centrom za razvoj medija i analize (CRMA), implementira projekat *“Podrška građanima u borbi protiv korupcije”*, koji je finansijski podržan od strane Američke agencije za međunarodni razvoj (USAID). U okviru projekta TI BiH provodi praćenje predizbornih aktivnosti, što uključuje monitoring potencijalnih zloupotreba javnih sredstava u izbornim kampanjama, aktivnosti političkih subjekata, javnih funkcionera, te praćenje troškova predizborne kampanje.

Opis poslova posmatrača

S ciljem praćenja predizbornih aktivnosti TI BiH želi angažovati 80 terenskih posmatrača na period od tri mjeseca prije održavanja Opštih izbora.

Posmatrači će vršiti praćenje institucija i obrazaca ponašanja političkih kandidata i zvaničnika prije i tokom izborne kampanje, sa ciljem da uoče i dokumentuju korišćenje javnih sredstava i pozicija na vlasti u svrhu izborne promocije, ali i ostale vidove zloupotreba i kršenja izbornog zakonodavstva. Posmatrači će rad obavljati na terenu širom BiH i potom dostavljati informacije koordinatorima, u skladu sa prethodnim instrukcijama.

Posmatrači moraju da budu odgovorni, nepristrasni i profesionalni pojedinci, što podrazumijeva dostavljanje egzaktnih i pravovremenih informacija, kao i objektivnost u izvještavanju. U obavljanju zadataka, od posmatrača se očekuje maksimalna posvećenost i koncentracija, kao i izražena želja za davanjem doprinosa u borbi protiv korupcije i zloupotrebe javnih sredstava.

Posmatrači će prikupljanje podataka vršiti u skladu sa posebno izrađenom metodologijom za monitoring predizbornih aktivnosti, a ovo podrazumijeva dostavljanje, u unaprijed definisanom formatu i putem obezbjeđenih obrazaca, informacija o:

- javnim događajima institucija i organizacija

- aktivnostima nosilaca javnih funkcija/kandidata (nastupi na javnim događajima, posjete, organizovana okupljanja, sastanci)
- aktivnostima institucija usmjerenih na obezbjeđenje izborne podrške
- predizbornim aktivnostima i skupovima političkih stranaka
- javnim radovima u predizbornom periodu.

Pomenute informacije će posmatrači, osim kroz terenski rad i posjete javnim događajima, prikupljati kroz praćenje medija i stranica, te najave aktivnosti.

TI BiH želi angažovati **80 terenskih posmatrača** izborne kampanje za sljedeće izborne jedinice, te prema rasporedu kako slijedi:

1. VELIKA KLADUŠA, CAZIN, BIHAĆ, BOSANSKA KRUPA, BUŽIM, BOSANSKI PETROVAC, SANSKI MOST, KLJUČ – **5 posmatrača**
2. ODŽAK, DOMALJEVAC - ŠAMAC, ORAŠJE, GRADAČAC, DOBOJ ISTOK, GRAČANICA, BRČKO DISTRIKT BiH – **2 posmatrača**
3. LUKAVAC, SREBRENİK, TUZLA, ČELIĆ – **3 posmatrača**
4. TEOČAK, BANOVIĆI, ŽIVINICE, KALESIJA, SAPNA, KLADANJ – **3 posmatrača**
5. DOBOJ JUG, TEŠANJ, MAGLAJ, ŽEPČE, ZAVIDOVIĆI, ZENICA, USORA – **4 posmatrača**
6. KAKANJ, VAREŠ, OLOVO, VISOKO, BREZA – **3 posmatrača**
7. HADŽIĆI, ILIDŽA, NOVI GRAD SARAJEVO, TRNOVO (FBIH), PALE (FBIH), FOČA (FBIH), GORAŽDE - **4 posmatrača**
8. JAJCE, DOBRETIĆI, DONJI VAKUF, TRAVNIK, BUGOJNO, GORNJI VAKUF - USKOPLJE, NOVI TRAVNIK, VITEZ, BUSOVAČA, FOJNICA, KISELJAK, KREŠEVO – **5 posmatrača**
9. PROZOR - RAMA, JABLANICA, KONJIC, GRAD MOSTAR, ČITLUK, ČAPLJINA, NEUM, STOLAC, RAVNO – **6 posmatrača**
10. POSUŠJE, GRUDE, ŠIROKI BRIJEG, LJUBUŠKI – **2 posmatrača**
11. ILIJAŠ, VOGOŠĆA, CENTAR SARAJEVO, STARI GRAD SARAJEVO, NOVO SARAJEVO – **4 posmatrača**
12. DRVAR, BOSANSKO GRAHOVO, GLAMOČ, LIVNO, KUPRES (FBIH), TOMISLAVGRAD – **3 posmatrača**
13. KRUPA NA UNI, NOVI GRAD, KOZARSKA DUBICA, PRIJEDOR, OŠTRA LUKA, KOSTAJNICA – **4 posmatrača**
14. GRADIŠKA, LAKTAŠI, SRBAC, PRNJAVOR – **3 posmatrača**

15. BANJA LUKA, PETROVAC, ČELINAC, ISTOČNI DRVAR, RIBNIK, MRKONJIĆ GRAD, JEZERO, KNEŽEVO, KOTOR VAROŠ, ŠIPOVO, KUPRES (RS) – **7 posmatrača**
16. DERVENTA, BROD, VUKOSAVLJE, MODRIČA – **2 posmatrača**
17. DOBOJ, PETROVO, TESLIĆ, STANARI – **3 posmatrača**
18. ŠAMAC, DONJI ŽABAR, PELAGIĆEVO, BIJELJINA, LOPARE, UGLJEVIK, BRČKO DISTRIKT BIH – **4 posmatrača**
19. OSMACI, ZVORNIK, ŠEKOVIĆI, VLASENICA, BRATUNAC, SREBRENICA, MILIĆI – **4 posmatrača**
20. SOKOLAC, HAN PIJESAK, ISTOČNA ILIDŽA ISTOČNI STARI GRAD, ISTOČNO NOVO SARAJEVO, TRNOVO, PALE, ROGATICA – **3 posmatrača**
21. VIŠEGRAD, ISTOČNI MOSTAR, NEVESINJE, KALINOVIK, GACKO, FOČA, NOVO GORAŽDE, ČAJNIČE, RUDO, BERKOVIĆI, LJUBINJE, BILEĆA, TREBINJE – **6 posmatrača**

** Izabrani posmatrač/ica će biti zadužen/a za jednu ili više susjednih opština, zbog čega je potrebno da imaju mogućnost prevoza.*

Vremenski okvir monitoringa

Posmatrači će navedene aktivnosti vršiti u trajanju od tri mjeseca prije izbora. Izbori su zakazani za 2. oktobar 2022.

Prije početka izvođenja aktivnosti, svi posmatrači će proći dvije obuke tokom mjeseca juna, u okviru koje će dobiti sve potrebne informacije o načinu vršenja monitoringa, te ciljevima istog. Nakon ove obuke će biti dogovorena dinamika, način izvještavanja, kao i komunikacija u radu.

Uslovi za prijavu

- Lica koja se prijavljuju moraju da budu punoljetna
- Minimalno završena srednja škola u trajanju od 4 godine, uz poželjno više obrazovanje
- Da nisu aktivisti političkih partija, kandidati, niti angažovani u organima za sprovođenje izbora
- Da posjeduju vozačku dozvolu B kategorije i mobilnost u smislu mogućnosti pokrivanja teritorije za koju su zaduženi (prisustva događajima na različitim lokacijama)
- Poznavanje izbornog procesa i načina funkcionisanja političkih subjekata

- Prethodno iskustvo u posmatranju izbora ili drugih aktivnosti sa organizacijama civilnog društva je poželjno, ali ne i obavezno
- Svi posmatrači će za svoj rad i angažman dobijati mjesečnu naknadu i naknadu za prevoz.

Rok za prijavu posmatrača je 31. maj 2022. godine.

Način prijave

Zainteresovani pojedinci treba da dostave kompletno popunjen prijavni obrazac na sljedećem linku:

<https://forms.gle/u3QiNHYqxRQH2kMKA>

Dodatne informacije možete dobiti putem email adrese: izbori@ti-bih.org

Izabrani kandidati biće obaviješteni o izboru, daljim koracima i obavezama najkasnije do 15. juna 2022. godine.

TI BiH zadržava pravo da, prilikom izbora kandidata, da prednost onim kandidatima čije prethodno iskustvo više odgovara prirodi traženog posla.